

## **Proklemasie Senioreprins Jan 1 (Caris) (De Kook/KBO Baolder 15-2-2025)**

**Weej,**

- **Prins Jan I van Thei van Metsel Sjang en Lies van de sjmeed oet Ell.**
- **Hofdame José van Ties ziene Hein bewaakte ut sjaapor en van Gon van Bos-Hannes en wieët familie Rowwen Hèze.**
- **Hofdame Tiny van Handrie van Siskes Piet en Anneke van Poulisse Thei oet Grubbevors.**

Jao minse....

Opèns geit de bel en sjtei-ter ein, veur mich, vraemd vroumes aan de deur.  
Zeej vroeg mich of ich prins van de KBO wil waere.....

**“Ich doon ut neet, ich doon ut neet”**, mèr ze goof neet op, ze heel aan.

Dink t’er nog mèr ens euver.....

Is ut good as ich volgende waek nog ens langs kòm?

En ze kwaam truuk... nów met z’n twieëje...Truuj én Nel...

**“Ich doon ut neet, ich doon ut neet, nae, ich doon ut neet.”**

Toen ouch de wederhelft dèr zich mèt ging meuje, waas de KBO Prins 2025 gevónge.

Waal ónger de veurwaerde det José hofdame zól waere,

Ze mótt allein nog efkes lid van de KBO waere...

Gelökkig waas ouch de twieëde hofdame, Tiny, sjnel gevónge.

As lid van de Sjerke Bein is ze eine gójje bekende van mich.

Same met uch allemaol, winse weej uch eine hieële gezellige middig....Geneet t’er van..

*En zoe kómme weej beej ós motto:*

***Twieë hofdames, de wins van elke prins.***